



Atuarfinni sorlarni meeqqanut inuusuttunullu ajornartorsiutitik pillugit saaffigisinnaasaminnik amigaateqarnersut pillugit, amigaatillu taakku qanoq iliuseqarfigineqarsinnaanersut pillugit pilersaaruteqartoqarnersaq aallaavigalugu Naalackersuisut UPA 2017-imut nalunaarusiornissaannik suliniuteqaqqullugit Inatsisartut aalajangiiffigisassaattut siunnersuut.

(Inatsisartunut ilaasortaq Anthon Frederiksen, Partii Naleraq)

Atuarfeqarneq kommunit akisussaaffigaat. Taamaammatt atuarfinni kommuneni assigiinngitsuni sunik suliniuteqartoqassanersaq kommunalbestyrelset aaliangigassaraat.

Siunnersuuteqartoq Inatsisartunut ilaasortaq Anthon Frederiksen, ajornartorsiuterpassuit taakkartugai piviusuupput, qaangernissaanullu suliniuteqartariaqarpugut.

Iliuutsit periutsillu assigiinngitsut nuna tamakkerlugu suliassat ingerlanneqarput. MIO-llu nalunaarutigisartagai assorsuaq sammineqartarput, tamanna nuannaarutigaarput, samminninnerput annertusariaqarpoq aamma kommuneni.

Kommunit pisussaaffitik naammassisariaqarpaat, kommunimmi akisussaaffiinik arsaaginnartarutsigit qaqugu aaqqiisagatta.

Kommunit ilaat misilittagaqarput naammineerlutik, meeqqanik oqaloqatiginnittartunik atorfeqartitsisimasut, iluaqutaasumik. Uggornartaqaarlu sipaarniarnerni tamaku sipaarniarfigeqaraangata.

Neriuppugut siunnersuut kommuneni paasineqarluni naammassineqarsinnaassasoq, Inuit Ataqatigiit isumaqaratta, tassuuna aningaasaliineq imminut akilikutsoorumaartoq, ilorraallu tungaant ingerlanissamut aningaasaliinerussasoq.

Ullumikkut politikikkut akisussaaffiit agguataarneqarsimanerat taamak isikkoqartillugu, siunnersuut ilalersinnaanngilarput.

Naalackersuisullu kaammatusavagut, Borgmesterinut isumaqatigiissusiornerminni, tamakku ilanngunnaqqullugit, sunnersuummi imminik pitsaasuugaluarmat, akisussaasunik malinneqartuuppat.